

PAOT TE KŌMĒN TEXANŌN YŌG TIKMŪ'ŪN PU TAPPET KAX'ĀMI II

1 ¹Ūgmŭn Paot. 'Āte' kax'āmi nŭhŭ' tappet, 'āxop pu' kax'āmi', yā Kunnix kopa kuxa mām xop pu' kŏmĕn Texanŏn tu', yā yŭmŭg 'Ātak Topa yŏg xop pu', xix yŭmŭg xuxyā Yeyox Kunnix yŏg xop pu'. Xinax te 'āxop pe'paxex xix Tŭmŏn te kamah.

²Pu yā Topa xix yŭmŭg xuxyā Yeyox xa hāmmaxnā', xayŭy 'ākuxa mām.

Yeyox nŭn putup, ha Topa te xohix yŏg hāpxopmā'ax kopit putup

³Ākuxa mām nŏy nā 'āmŏg xexka', tu 'āxop te' xohix putup pax nŏy nā 'āmŏg, yŭy ta' max, 'ŭyŭy 'ŭgmŭ 'āxop 'āktux punethok Topa pu, hu: "Yā' max. Puxi'. 'Āmax 'ŭkxape xop pu'." Kaxŭy. ⁴Ūgmŭ'āte 'āxop 'āktux max Kunnix kopa kuxa mām xop xohix pu'. Hamŭn, 'ākuxa mām ka'ok'ax xexka', 'ihā tikmŭ'ŭn te 'āxop kummugāhā', ha xate kummuk xohix hā tot.

⁵Tikmŭ'ŭn te 'āxop kummugāhā', yŭy ta Topa te tikmŭ'ŭn yŏg hāpxopmā'ax kopit putup, nŭy tu' kummugā 'ŭyānān tu'. Yā' kopit'ax yok, 'ap kohe'ah. 'Ūxohix te 'āxŭy pĕnāhā', hu' yŭmmŭg, Topa te tikmŭ'ŭn yŏg hāpxopmā'ax kopit putup. Yā' yok. 'Āxop te 'āxŭy hā tot, yā' kummuk hā tot, ha Topa te' yŭmmŭg. 'Āmax, yā Topa Xexka yŏg tikmŭ'ŭn xop pu 'āmax. Hamŭn, 'āxŭy, Topa Xexka yŏg tikmŭ'ŭn xop pu 'āxŭy. ⁶Topa te tikmŭ'ŭn yŏg hāpxopmā'ax kopit putup. Yā' yok, yā' xe'e'. Tute kummugā yānān putup, yā nŏm te 'ākummugā hā yānān putup, ⁷'ihā yŭmŭg xuxyā Yeyox te pexkox tu' nŭn pexkox yŏg nŭ'pok xop mŭtik, yā kuxap kopa' nŭn putup, tu 'āxŭy nŏāp-tup. ⁸Tu kummugā hā yānān putup Topa yŭmmŭg 'ohnāg xop pu', xix 'ŭyŭp'kox 'ohnāg xop pu'. Yā nŏm te yŭmŭg xuxyā Yeyox yŏg hām'āpak max'ax 'āpak 'ohnāg. ⁹Nŏm xop xŭy putup mŏkuma' mŏg, hāmyāxatamuk xohix kux 'ohnāg hā, tu Topa mŭtik pip putup'ah, xix yŭmŭg xuxyā Yeyox mŭtik pip putup'ah. Nŏm te yŭmŭg xuxyā Yeyox max xe'ĕgnāg pĕnāp-tup'ah, xix yŭmŭg xuxyā Yeyox yŏg ka'ok'ax yŭmmŭg putup'ah, ¹⁰'ihā nŏm hāptup mŏ'nāp-tup, 'ihā putpu' nŭn yŭmŭg xuxyā Yeyox, puyŭy Kunnix kopa kuxa mām xop te Yeyox 'āktux max, tu Yeyox pe'paxex max, yā' kuxa mām

ka'ok xop xohix xexka te kaxîy. 'Ăxop kama nũ mûtik pip putup. Hamũn, 'ăkuxa mãm ka'ok Topa yôg hãm'ăpak max'ax kopah, 'üğmũ'ăte xa nôm 'ăktux.

¹¹ 'Ūgmũ'ăte 'ăxop 'ăktux punethok Topa pu, xayîy 'ăxop 'ămax xe'e Topa pu'. Yă Topa te 'ăxop yîmôgatux, xayîy 'ămax xe'e'. 'Ūgmũ'ăte 'ăxop 'ăktux Topa pu, xayîy 'ăxop hăpxopmă max xohix putup, 'ăxop te nôm putup. Topa ka'ok te 'ăxop hă tute'ax. 'üğmũ'ăte 'ăxop 'ăktux Topa pu, xayîy 'ăhãm xohix kux, yă 'ăkuxa mãm, hu 'ăhãm ka'ok. ¹² Hă kaxîy yũmũg xuxyă Yeyox 'ũmax xe'e nŏy nă' mŏg putup 'ăkuxa kopah, ha ta 'ăxop max nŏy nă 'ămôg putup Yeyox mûtik, ha tikmũ'ũn te' pĕnăp-tup, tu Topa 'ăktux maxp-tup. 'Ūmax Topa xix yũmũg xuxyă Yeyox Kunnix, tu xa hok hăpxopmăhă.

Tik kummuk xexka'

2 ¹ 'Ăte yũmũg xuxyă Yeyox Kunnix te putpu' nũn'ax kax'ămi xix yăy tu nũ yũmũg nă'ax Kunnix mûtik kax'ămi'. ² Tik 'ũm te' koit, hu: "Yă' xip yũmũg xuxyă Kunnix yôg hăptup. Yă putpu' nũn Kunnix tu nũktu' xip." Kaxîy. 'Ăpu 'ũyôg hãm'ăktux pa hok. 'Ăkuxanôg hok. Tep te' nôm 'ăktux, pe Topa pupi hãm'ăktux xop, pe' nŏy te Topa yôg hãm'ăpak max'ax 'ăktux, pe' nŏy te hãm'ăktux, 'ăte nôm kax'ămi'. 'Ămhok. 'Ūyôg hãm'ăktux pa hok. Yũmũg xuxyă Kunnix yôg hăptup xip'ah, pa' nũn putup, xix Yeyox xip'ah nômhă, pa' nũn putup. ³ 'Ăpu' koit'ax 'ăpak hok. Yũmũg xuxyă Kunnix yôg hăptup nũn putup, yă Yeyox te putpu' nũn putup, pa' xohix te Topap-tup nŏg hãmăxap putup, ha ta nôm tik kummuk xexka xip putup hãmăxap, tu tikmũ'ũn pu yăy mũg putup, yă Hămgăyăgnăg yôg tihik. ⁴ Nôm tik kummuk xexka te Topap-tup nŏg putup, xix Topa yôg hăpxop xohix putup nŏg putup. Tute yăy xexka mîy putup, tu Topak-tôgnăg 'ăktux putup. Tu ta' mŏg putup, tu' yũm putup Topa pet xexka kopah, tu hãm'ăktux putup, hu: "Ūgmũn, yă Topah." Kaxîy.

⁵ Xate' yũmmũg nŏ'ôm. Hŏmă 'üğxip 'ăxop kopah, tu nôm 'ăktux. ⁶ Hŏnhă hãm te' tux hok, pu' mîy hok nôm hăpxop kummuk. Xate' yũmmũg. Hăpxip 'ĩhă nôm tik kummuk xexka xip'ax. ⁷ Hamũn, hŏnhă 'ĩhă hăpxop kummuk mîy'ax xexka pip, tu' xaptop, pa hăpxip 'ĩhă xut putup hãm te' tux hok, ha' nôm hăpxop kummuk mîy'ax pip putup. 'Ap xaptop putup'ah hăpxop kummuk mîy'ax.

⁸ Yă xip'ax nôm tik kummuk xexka', pa yũmũg xuxyă Yeyox te putpu' nũn putup, tup-tex putup, yă xitxut hăp-tex putup, yă Yeyox yôg kuyănăm hăp-tex putup. ⁹ Hamũn, Hămgăyăgnăg te nôm tik kummuk xexka ka'ogăp-tup, puyîy hăpxopmă ka'ok xe'ėgnăg xohix. Tute' koit putup, ha tikmũ'ũn te yôg mŏ'ămă'ax pap-tup. Yă tikmũ'ũn kuxa mãm tik kummuk yôg hăpxopmă'ax ka'ok xe'ėgnăg kopah. ¹⁰ Nôm tik kummuk xexka te Topa yũmmũg 'ohnăg xop pu' koit xohix xekap-tup. Nôm te hămyũmmũg xe'e yũmmũg 'ohnăg, tu hămyũmmũg xe'ep-tup pax 'ohnăg, ha Topa te nôm mŏy 'ohnăg hăpkummuk mîy'ax kopah. Nôm te Topa pĕnăp-tup'ah, pa yăy koxyŏy putup. ¹¹ Yîy ta Topa te' xat putup, pu nôm kuxa mãm ka'ok koit'ax kopah. ¹² Yîy ta Topa tep-tup nŏg putup nôm kuxa mãm 'ohnăg hămyũmmũg xe'e kopah. Yă nôm tep-tup pax koit'ax.

Topa te 'ăxop yîmôgâtux

¹³Ūmax, 'ûgmû'âte 'ăxop 'ăktux punethok Topa pu', hu: "Ămax tikmû'ûn pu'. Puxi!. 'Ămax." Kaxîy. Hamûn, 'ûkxape xop, Topa te 'ăxop putup pax. Topa te 'ăxop yîmôgatux tikmû'ûn xohix kopah. 'A hōmā' xip'ah hām xexka', 'îhā Topa te 'ăxop yîmôgatux, nŷy 'ăxop kuxa kummuk xit, nŷy kuxa max mō'tat, 'ûyānān tu!. Yā Topa Koxuk ka'ok hā 'ăxop kuxa kummuk xit, xayîy 'ăxop yāyhā Topa yōg tikmû'ûn, tu 'ăkuxa mām hām'ăktux xe'e kopah. ¹⁴Hōmāg mû'âte xa Topa yōg hām'ăpak max'ax 'ăktux, ha Topa te nōm hā 'ăxānāhā', xayîy pēnā hăpxop xe'ēgnāg xohix yūmūg xuxyā Yeyox Kunnix mūtik. ¹⁵Ūkxape xop, 'ăpu Topa tu nox pi!. 'Ăpu hāmyūmmūg max tu nox pi!. Yāg mû'âte xa' yūmmūgāhā nō'ôm. 'Ūgmû'âte xa hām'ăktux nō'ôm, tu xa' kax'āmi nō'ôm kamah.

¹⁶Yūmūg xuxyā Yeyox Kunnix te yūmūg putup pax xix yūmūg 'Ătak Topa te', tuk mû'ā hok hăpxopmāhā, tu yūmūg kuxa hittupmāhā mōkuma' mōg ha' kux 'ohnāg tu hăpxop max hipmāhā'. ¹⁷'Ūgmû'ātep-tup, puyîy yūmūg xuxyā Yeyox Kunnix 'ăkuxa hittupmā' xix yūmūg 'Ătak 'ăkuxa hittupmā', nŷy 'ăxop ka'ogā', xayîy hăpxopmā max, xayîy hām'ăktux max.

'Ăpu Topa puk mūg 'ăktux

3 ¹Ūkxape xop, 'ăpu Topa puk mūg 'ăktux, 'ûyîy 'ûgmūg yūmūg xuxyā Yeyox yōg hām'ăpak max'ax 'ăktux hăpxexka xohix tu' mō'ka'ok, puyîy xohix nōm 'ăpax, puyîy xohix putup pax xexka Yeyox yōg hām'ăpak max'ax, yā 'ăxop putuk kōmēn Texanôn tu!. Xate nōm 'ăpak, tup-tup pax. ²'Ăpu Topa puk mūg 'ăktux, puyîy Topa 'ûgmû'ā hā tu tehet, 'îhā tikmû'ûn kummuk tek mūg kute'ex kummuk. Hamûn, tikmû'ûn xohix xexka'ah te Topa yōg hām'ăpak max'ax 'ăpak. Yā' yîpkox 'ohnāg.

³Pa Topa te yāy yōg xop tu' xip ka'ok. Tute 'ăxop ka'ogāp-tup, tu 'ăxop hā tu tep-tup, puyîy Hāmgāyāgnāg 'ăxop kute'ex hok. ⁴Yūmūg xuxyā Yeyox tek mūg kuxa māmāhā 'ăxop kopah, yā 'ăxop te' mîy nō'ôm. 'Ūgmû'âte xa hām'ăktux, tu' mîy putup. 'Ūgmû'âte' yūmmūg xe'e'.

⁵'Ūgmû'ātep-tup, pu yūmūg xuxyā Yeyox 'ăxop mōgā', xayîy 'ăxop Topap-tup pax, xayîy 'ăxop nox pi! Topa yōg putat max kopah, yā Yeyox putuk.

Tikmû'ûn hām 'ohnāg, puxi' xit hok

⁶Yūmūg xuxyā Yeyox Kunnix tek xat, tuk mūg xex Yeyox xip'ax kopah, yîk mû'âte 'ăxop xat, xayîy 'ăxop taknōy tuknōgnāg xop tu nox pi! hok, nōm hām 'ohnāg xop, nōm tek mû yōg xat'ax 'ăpak 'ohnāg. ⁷Ūmax, xayîy 'ăxop hăpxopmā', 'ûgmūg putuk. Hōmāg mūg pip 'ăxop kopah, 'îhāg mūg tuknōg 'ohnāg. ⁸'Ūgmû'âte hok pop'ah tikmû'ûn yōg hăpxop, pa hăpxop xohix hā pago. Tuk mû'âte hăpxopmā max mōkumak mōg. Hăptup 'îhāg mūg hām pax xix 'āmniy 'îhā, xayîy 'ăxop pago 'ohnāg. ⁹Ūmax, pu Kunnix kopa kuxa mām xop yōg xexka xop 'ōg hăpxop pop, pak mû'âte 'ōg hăpxop xak 'ohnāg, tu' pop 'ohnāg, xayîy 'ăxop 'ûgmūg pēnā', nŷy

kama' mĩy 'ũgmũg putuk. ¹⁰Hõmãg mũg tihi' äxop kopah, tuk mũ'äte hãm'äktux, hu: "Tikmũ'ün hãm 'ohnãg, puxix xit hok, pu' max." Kaxĩy.

¹¹'Ûgmũ'äte kax'ãmi nũhũ, 'ũgmũ'äte' xupak tu', yã tikmũ'ün tuknõgnãg pax pip 'õnte, yã hãpxumãhĩygã pax. ¹²Yũmũg xuxyã Yeyox Kunnix te' xat, tuk mũg xex Yeyox xip'ax kopah, yĩg mũ'äte 'äxop xat, xayĩy 'äxop tuknõgnãg pax xop pu hãm'äktux: "Ämax'ah. 'Äpu 'äxumãhĩy hok, nũy hãm hã' pop yãy yõg hãpxop." Kaxĩy. ¹³'Ûkxape xop, 'äpu 'äkuxa tuknõg hok, 'ihã hãpxopmã max. ¹⁴Pa' pip 'õnte, nõm te nũ' tappet putup nõg putup, tu nõm 'äpak putup'ah. 'Äpu tik te kaxĩy tu 'ãti hok, puyĩy yãy yõg hãpkummuk mĩy'ax hã yãyhãhup. ¹⁵Pa 'äpu nõm tik pu' mĩy hãpxop, 'ap puknõg putuk'ah, pa yã 'ätaknõy putuk.

Pu yã Yeyox 'äxop tu xihip ka'ok

¹⁶'Ûgmũ'ätep-tup, yũmũg xuxyã Yeyox 'äkuxa mãmãmã', 'ihã 'äkuxa mãm Yeyox kopah, nũy 'äkuxa mãm ka'ok mõkuma' mõg, 'ihã 'äxop te hãpxopmã xohix. Pu yã yũmũg xuxyã Yeyox 'äxop tu xihip ka'ok.

¹⁷'Äte' kax'ãmi nũhũ, hu: "'Ûgmũn Paot te 'äxop pu kax'ãmi', hu 'äte 'äxop pe'paxex." Kaxĩy. 'Äte yãy yõg 'äxet'ax kax'ãmi hã kaxĩy. Yã yõg tappet xohix te kaxĩy.

¹⁸Pu yã yũmũg xuxyã Yeyox Kunnix 'äxop xohix pu hãmmaxnã punethok. Tu ta tu' kux.